



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

KOMUNIKADU IMPRENSA

Edisaun :Fevereiro 2010

Periodu; Fevereiro 2010

**TRIBUNAL DISTRITAL BAUCAU ABSOLVE AKUZASAUN BA KAZU VIOLASAUN
SEKSUAL TAMBA LAIHA EVIDENSIA**

Husi lora 15 to'o 18 Fevereiro de 2010 Tribunal Distrital Baucau hala'o julgamentu ba kazu ofensas korporais rua no violasaun seksual ida. Kazu rua ne'e ho nia nomor prosesu 232/CRM-S/2009/TD.BC, no 260/CRM-S/2009/TD. Entre kazu hirak ne'e, kazu ofensas korporais mak la hala'o audensia julgamentu, tamba vitima no arguidu sira rezolve ona liu husi mekanismu tradisional.

Iha parte seluk, julgamentu ba kazu violasaun seksual, Ministeriu Públiku akuza arguido ho artigu 285 Kódigu Penal Indonesia. Maske nune'e, durante iha prosesu julgamentu, Ministeriu Publiku la konsegue aprejenta evidensia ne'ebé mak hatudu katak arguido ho ameasa hodi halo violasaun seksual ba vitima. Tanba faktus ne'ebe mak la provadu durante julgamentu juiz nebe maka dirije audensia ne'e absolve tiha akuzasaun husi Ministeriu Publiku ne'e.

Natureza krimi violasaun seksual nu'udar krimi ida ne'ebe lori konsekuensia psikolojiku todan, traumatiku no lori tempu naruk tebes ba rekoperasaun psikolojiku no sosial. Rekoñese katak pratikamente, defisil tebes atu asegura evidensia ne'ebe adequadu ba kazu sira krimi ho karakter violensia seksual, maibe JSMP hanoin katak esforsu hot-hotu tenke halo hodi prevene situasaun ne'e sai posivel.

JSMP konsiente katak kuandu ita koalia kona-ba asuntu lei iha kontestu prosesusual nian, signifika katak ita koalia kona-ba prova ka evidensia. Tanba ne'e sei ita lori kazu ruma ba tribunal ka

nu'udar Ministeriu Publiku ne'ebe kaer titular ba asaun krimi nian, persiza konsidera sirkumstansia hot-hotu husi kazu ida bainhira deside atu halo akuzasaun. Hodi nune'e bele evita situasaun sira iha leten.

Refere ba situasaun hirak ne'e, JSMP husu ba Ministeriu Publiku nebe maka reprezenta vitima durante prosesu tomak, para bele prepara akuzasaun tuir regras no ejjensia prosesual hanesan evidensia nebe maka forte hodi nune'e bele kondena duni arguidu tuir hahalok ne'ebe nia komete.

JSMP nota katak iha kazu nebe'e maka mensiona iha leten Ministériu Públiku ladun halo esforsu masimu , tanba apresente akuzasaun la ho faktus ka evidensia ne'ebe mak adequadu. JSMP rekomenda atu autor tribunal sira, liu-liu Ministeriu publiku bele hala'o kna'ar ho diak bazea ba mandatu ne'ebe mak lei fo hodi garantia justisa ba vitima no hametin ita nia sistema tribunal nia funsionamentu

Atu hetan informasaun klaru, kontaktu:

Luis de Oliveira Sampaio

Diretur Eksekutivu JSMP

Email: luis@jsmp.minihub.org

Landline: 3323883